

寧陽縣志

首卷 卷一

20140.137
34
20140.137

寧陽縣志序



寧邑無高山大川足供騷人逸士之遊覽汶水雖繞北境僅與他邑界巖巖之岱宗又若遠若近矣而其士民又多敦厚朴魯凡夫智謀侷儻畸異之士樹奇

序一

勛垂偉績者不少概見至於疆域城池建置賦役等事前邑令劉君誌之後李君又誌之距今僅四十餘年則今日誌乘之作疑若可稍緩者雖然非常之事轟烈天壤易以傳世行遠若擇

地而蹈循禮守法敦倫飭紀不
求表暴而實足以維風善俗其
事其人無可炫人耳目不急爲
揚厲而闡明之閱數傳湮矣東
魯爲至聖挺秀之地寧卽孟氏
之郕邑先賢高子所蒞治也流

序二

風遺澤迄今未絕士人類皆潔
身自好不樂與官吏交其小民
亦土物是愛鮮華靡巧利之習
又值

聖朝累洽重熙數十年來土之修
身砥行足爲矜式與夫閭里之

孝子悌弟義夫節婦所在多矣
此豈非有心世道者所當急求
者哉况夫衆務之沿革月異而
歲不同科第聯翩較往時而愈
盛亦不可聽其遺逸也余不佞
承乏茲土以朴實爲治每敢沾

序三

名鈞異四載於茲時和年豐余
旣喜其風俗之淳而吏民亦安
予之拙簿書餘暇爰取舊誌而
校讐之缺者補繁者芟壬午以
後其芳徽懿行可以振頽風者
尤搜羅罔使或沒外此引綱綱

日隨時損益悉補訂詳明
中紳士某某樂道人善廣爲考
輯相與襄厥成功不踰歲而告
竣焉於其付之梓也爰弁數言
以見是書之成兼以爲廉頑立
懦計非徒博物洽聞識寧邑典

序四

故已也時

乾隆八年孟秋之吉

賜進士出身寧陽縣知縣吳興

夢雷撰



寧陽縣志原序

士君子雖極淹博必歷相山川
以考其風土之殊物產之異事
蹟之類凡以辨物宜廣聞見晰
貞淫證得失也矧身宰一邑而
不能取境內山川人物風俗事

原序一

蹟之盛引爲論說抑陋甚矣余
筮仕得寧城古兗州隸邑也舊
國有志特以兵火相繼散佚莫
稽耳曩余爲小司徵之日久未
獲今於縉紳老成得其舊本已
屬斷簡殘編未經修輯者幾七

十載矣夫邑有志國有史其義
一也國不可無史邑可以無志
乎唐虞以前無論已禹平水土
而作禹貢則壤錯繡爲一書山
陵物產良可稽也禹貢未有載
者見伯益之山海經或曰山海

原序二

經僞書也而卒不泯其傳亦以
存疑爾周禮職方氏掌廣輪之
數而辨其土物之宜邦國之志
小史掌之四方之志外史掌之
迨春秋時倚相左史楚實寶焉
漢唐宋以來文日以益志日以

繁有圖經有地輿考有一統志
郡縣之各有志至此爲盛矣茲
逢

聖主當陽文事幸興

勅天下郡邑各有志書甚鉅典也
因謔薦紳先生名儒耆老可當

原序三

文獻者廣搜事實拓舊本而續
補近習分爲八帙畫疆分土象
魏所自達也故首方域立國樹
屏名物所自啓也故次建置忠
厚慈惠民戴其長作賦定式國
受其經故次職官賦役彈冠之

慶大業斯集俎豆之設受福不
那淑氣之鍾光映星辰故次選
舉秩祀人物而文章亦經國鴻
猷不朽盛事也故次藝文終焉
哀集方言詳核隱德將六十餘
年以後之事欲志未能志者一

原序四

皆登諸簡冊以付梓人而寧昌
於是有志矣如太史採風而問
俗焉余得持此編從容以獻

康熙歲次壬子小春之吉

賜進士第文林郎知寧陽縣事晉
西河劉興漢敬題於公署內省

世宗

世宗

重修寧陽縣志序原姓氏

督修

分 巡 東 莞 道 李 焯

本 府 知 府 蔡 廷 輔

運 河 同 知 李 得 貴

糧 捕 通 判 施 號

重 編 本 縣 知 縣 劉 興 漢

本 縣 知 縣 陳 學 夔

校 閱 縣 丞 康 時 鑑

縣 丞 余 方

姓氏 卷之一

儒 學 訓 導 張 藩

儒 學 教 諭 楊 維 康

儒 學 訓 導 李 寬

原任吳江縣知縣 湯水邵士梅

原任新安縣知縣 邑人程憲文

監 刻 典 史 蘇 世 倫

典 史 嚴 且

採 輯 儒 學 廩 膳 生 員 程 待 聘

承 書 李 燦 然

吳 顯 姬

卷之八 志姓氏

進士出身文林郎知寧陽縣事吳興李慶雷

編修

儒學教諭安邱秦恕

考定

訓導東阿劉深

邑西

壬子科舉人

劉應薦

纂集

戊午科舉人

周濂顯

校閱

甯裕煌

太學生候補吏目

周宗仁

同訂

學士

苑修新

採輯

卷之八

廣生員

吳方昇

承書王瑞

寧陽縣志凡例

一寧陽志邑人相傳有舊志新志舊志散逸無存
僅獲新志一編乃康熙四十有一年邑令新安
李公重加修輯者閱今四十餘載遂爾闕畧殊
多今爲采輯釐正訂疑補遺至於全豹得窺尚
俟後之博洽君子

一前志缺目次是宜分門比類弁諸卷首庶觀者
展卷瞭然

一尚簡要如封典不過列名其誥命不必全載恐
類家乘非邑史也

寧陽縣志

卷之一 凡例

一

一賦役前志所載不無缺畧今照賦役全書詳核
起解存留揆欵清楚不惟昭畫一之遵守亦以
見致治之升恒也

一孝義節烈已爲前志所載者固盡錄以勵末俗
嗣後幽德潛光雖未經旌表而爲輿論公推者
不妨類書一二用彰禮義信教之不泯

一詩文碑碣有關寧邑山川景物者比類載之若
係一人一家贈答雖出名筆不敢濫入

一隱逸技藝他志各載此皆沾名者所巧託今不
錄其於賢士大夫之德業表表者已列本傳若

附會銘辭亦不敢贅

一補災祥乃徵錄咎而懋懲戒也前志畧之今紀載詳明

一見任官師例不立傳所以待去思也今因之

寧陽縣志圖

一 總圖

一 城圖

一 縣治圖

一 文廟圖

一 八景圖

寧陽縣志

總圖

東至泗水縣界九十里



北至泰安州

西至臨沂


南至濰縣



西至汶上縣界 十五里

寧陽縣志

城圖



學宮

縣署

文廟

城隍廟

文廟



縣署

縣署

縣署

寧陽縣志


縣治圖



寧陽縣志

文廟圖

萬禩古槐





坐落馮魚在縣
東北五十里

山水圖

五




林





雙枝岐栢

坐落平陸在
縣北三十里



激水轟雷



杏嶺丹霏



軍陽縣志

景圖

八

湯沸珠璣



寧陽縣志

景圖

九





寧陽縣志

景圖

盤龍玉洞

玉皇洞

坐落葛石在縣
東北二十五里



十




雲山煙雨

坐落雲山在縣西北十五里

禹碑虹渚

坐落平陸在縣北三十里



圖說

古大司徒以天下土地之圖周知地輿廣狹川原
 險易不下堂而明見萬里則圖之所由來尚矣寧
 邑卽壤地褊小諸山疊翠汶水經流令不覩形勢
 遐邇之狀何以省方觀民相宜而爲理乎繪列簡
 端至於八景奇觀亦此地靈秀之氣所鍾前志所
 略今得附後庶蒞茲土者坐馳萬景神徹菲屋不
 異如斯之示矣



寧陽縣志卷之一

吳興李夢雷重編

方域志

有土斯有民有民斯有政故三者是寶而至治可
幾已寧陽幅頓百里境內雖無名山大川然疆場
繡錯品物滋生夫豈不足以彰政治乎撫之則腴
股之則瘠是在守土者之張弛爾矣志方域

沿革

上古

少昊之墟 少昊都曲阜寧陽為曲阜比鄰

禹貢

徐州之域 禹貢海岱及淮惟徐州古之徐今之兗也凡岱南兗州所屬滋曲汶

寧陽縣志

卷之一

寧等處皆徐域

商

沿徐州

周

魯闡邑

春秋

成 在境內詳見古蹟

闡 詳見古蹟

謹 詳見古蹟

鑄 國詳見古蹟

遂 國在境內詳見古蹟

剛 父 在境內詳見古蹟

戰國

成 綱目前編周威烈王十八年齊田和伐魯取成

秦漢

剛綱目前編周赧王四十六年秦伐齊取剛

屬薛郡

蛇邱 詳見古蹟

剛 葬日柔

鉅平 在境內見古蹟

寧陽 侯國 葬日寧順舊志又云日桃鄉案前漢地理志桃鄉侯國葬日鄣亭此恐誤又案漢志以上俱屬泰山郡高帝置通志舊志俱云呂后始分置寧陽未詳所據

東漢

蛇邱 剛 俱屬濟北 〔和帝二年〕改

寧陽縣志

卷之一 方域 沿革 二

晉

鉅平 仍屬泰山郡案前漢志已有鉅平郡志舊志俱云東漢復置鉅平縣未詳

寧陽 屬東平國宣帝改

蛇邱 仍濟北國

鉅平 仍泰山郡

剛平 剛縣改省寧陽入屬東平國

南宋

鉅平 案宋州郡志泰山太守領鉅平令漢舊縣通志郡志舊志俱不載

蛇邱 仍濟北國

平原 大明元年復分置縣故寧陽北七十里名日平原屬陽平郡亦僑立也

鉅平 仍泰山郡案魏地形志日鉅平通志郡志俱日鉅

剛 東平郡

北魏

後齊

蛇邱 東濟北郡孝昌三年置改屬宋志
剛而魏志載之通志郡志舊志俱云元
魏省蛇邱剛入
屬東陽平郡

平原

龔邱 開皇十六年以與德州平原名同改曰
龔邱屬魯郡廢鉅平見古蹟

龔邱 屬兗州魯郡河南道

龔 天觀四年避 宜聖諱改龔縣屬龔慶府

寧陽 天定二十九年避顯宗諱復稱寧陽屬
兗州

寧陽 至元二年省入滋陽二十三年改設巡
檢司天德元年復置徙舊縣北近西仍
屬兗州隸

濟寧路

寧陽 初屬兗州隸濟寧府洪武十八年陞州
為府縣仍屬焉為山東布政使司兗州

寧陽縣志

卷之一

方域

沿革

三

府寧陽縣

國朝

因之

論曰郡縣隨世代而更者也寧陽自伯禽肇封為

魯闡邑歷春秋漢唐以迄宋元其間沿革損益不

能盡符大約成邑鉅平今邑之東北境也而新泰

之西鄒泗之北皆在舊境中矣闡謹鑄遂剛父蛇

邱今邑之西北境也而肥城之南汶上之東北皆

在舊境中矣寧陽龔邱今邑之南境也而滋陽之

北皆在舊境中矣上下數千年滄桑互易指掌難

明今惟據傳志之可稽者條列如右以俟考

境至

東至泗水縣一百里

南至兗州府滋陽縣五十里

西至汶上縣六十里

北至肥城縣一百二十里

東北至泰安府一百三十里

東南至曲阜縣六十里

西北至東平州一百二十里

東西廣一百二十里

南北袤五十五里

寧陽縣志

卷之一

方域

境至

東北至省城濟南府二百七十里

北至京一千二百里

形勝

通志伏山盤峙於東北洸水潑洄於西南

郡志寫

陽接泰山南麓城以北多山洸水流其境益以諸泉

為運道所資 **韓珪沿革記**土壤沃厚多桑麻棗柿

栗梨之宜地曰靈山曰告曰皮曰陪曰靜曰彩發地

峭壁奇秀相峙飛泉百股不可殫述北枕汶流南控

濟兗而四野密如也 **張登雲重修儒學記**東山秉

笏汶流環帶

寧山在縣北十八里伏山店南不甚高大而金貝秀結為邑主山堪輿家言衆山皆大而小者為尊寧山獨小於衆山邑在山南故曰寧陽

伏山在縣北二十里胡家莊北上有靈峯寺石壁峭絕老樹如龍倚寺而列亦羽棲騰地也洞鑿石佛故又名佛山

張果老山一名雪埠在縣北二十里吳家林北相傳張果騎驢至山墜鈴今山谷間有小石如拳擿之有聲土人呼為鈴鐺石

寧陽縣志

卷之一

方域

山

雲山在縣西北十五里魏家莊西上有洞出雲輒雨收則霽土人候之以下陰晴明天順間鳳鳴於上

翥亭山在縣西北十八里玉皇山莊孤峯獨峙

黃山在縣西北二十五里東王屯東北

鶴山在縣西北三十里王卞集東北峯巒秀發勢如

飛鶴雍正十二年十二月朔越三日產麟于山之

西麓慶雲繞空 盛世之瑞也

龜山與鶴山對峙以形得名

牟山在縣西北四十里四高村西北枕汶流舊多

水今濯濯矣古寺僧居久廢山東南麓石井

丈僅有址存正北為皮山

高山在牟山東南四面陡絕上有石寨遺跡猶存
即通志所云魏家寨山也郡志曰魏山

羅山在縣西北四十五里羅山莊北

穉山在縣西三十里穉山莊北

水牛山在縣西二十五里新莊北形似卧牛山西北
一帶土岡連亘數里俱歷傳為周倉寨

告山在縣東北三十里楊家莊北

盤龍山即告山之南峯形若龍蟠故名上有玉皇洞

飛泉瀑布自洞內石壁流下一泓清徹甘如玉露

澤陽縣志

卷之一

方域 山

二

盈科出洞曲折旋流羽士引以澆灌花木頗稱幽
槩由山門東出絕壁下石潭碧水四時不涸稍東
一小池天然不假人工羽流即其中植蓮養魚傍
蔣時花前臨懸崖大壑古藤合抱碧桃萬株每春
暖盛開紅錦耀日憑崖一望恍如身在武陵源也
縣尹季廷銓建勵士亭於潭側邑人周琮撰記
杏山由盤龍山折而西即杏山之陽重崖峻嶺無復
奇觀過西麓忽然綠柳長楊圖書天開一村數十
家背山臨流傍崖倚岸而居江南風景不是過
半山西北飛泉一道直流澗下杏果數萬株

巖谷沿至山下平田亘嶺數里不絕開時雲
爛一望無際我寧洛勝盤龍玉洞而外此其首
矣

金羊山一名三埠在縣東十八里石碣集東南相傳
有異人驅金羊於此故名秀巒特起岡環水抱堪
輿家祥雲捧月形也縣尹李夢雷捐俸建學延師
教士於上榜曰東山書院

鳳凰山在縣東五十里柳溝莊東上有甯家寨高峻
嶮絕鳥道而上有平地可容數千百人元季人多
避兵於此山石可作磨遠近利之

寧陽縣志

卷之一

方域

山

三

筆架山在縣東北五十里北莊北三峯並峙秀削插
天宛似筆架故名

淨山在縣東北五十里泗望村北

杏山在縣東北三十里甯家莊南廣輿記云山多杏
果今蕩無存者

彩山在淨山側奇峯秀出黛色忝天上有朝陽觀觀
前地平如掌老樹環列鬱乎蒼然正西諸峯尤奇
峭北闕汶流如在衿帶上有洞相傳有高氏女登
仙於此故至今呼為高姑洞

虎尾山在告山北上有虎塔

陪山東與告山相直古將軍堂遺址在焉北有洞

馬山在陪山南以形得名

爵山在縣東北七十里南義集東相傳春秋時有神爵集其上故名魯義姑姊抱姪棄子即其地也

邢家山在爵山西

鳳屏山在爵山東

簸箕山在縣東八十五里高莊南西與虎尾山相峙鳳仙山在縣東南九十里陳村南即通志所云南山也上有水簾洞水聲潏潏晝夜不絕

寧陽縣志

卷之一

方域

山

四

九頂山在縣東百里胡村東山有九峯故名上有甯家寨西為鳳凰嶺

靈山在縣東北九十里胡村南連新泰縣界樹木蔥鬱四時蒼翠上有壽峯寺山麓里許有井舊時山僧飯濯以鐵索設機汲水而上故又名鐵索靈山山後野田中有黃棟樹枝榦若曲蓋直指西南相傳明太祖微時飯於故城張彥中家經憇於此

玲瓏山在靈山東

河

汶河出萊蕪原山之陽會泰山徂徠諸泉由泰

南流經縣北界過堽城壩會於河諸泉歷堽南旺入會通河

洸河洸支流也洸洸分流處其口在堽城稍東石澗之上元時治閘作堰迨洸由洸入濟明永樂中工部尚書宋禮用老人白英策將洸河開通直抵南旺乃於洸河口築壩障洸使無南流於是洸水不復迴洸矣

羅河即蛇眼諸泉會流南至滋陽入漕西流同古城泉由高吳橋南入洸

論曰山川者一方形勢之所係也亦利害之所關

寧陽縣志

卷之一

方域

河

一

也寧邑山川無陶冶漁獵之利而洸水經其北界為害最巨七八月間徂徠梁父大雨滂沱波濤澎湃河伯受之巨浪滔天自東北而射勢若建瓴堽城閘石梁口其要衝也蟻穴鼠窟吾民其魚守茲土者可不時廛堤防以為保固計乎

泉源

蛇眼泉在北郭門外泉孔如蛇眼故名

古泉在城西北隅

日淵泉在北郭西北原名李家泉

三里溝泉在縣東北里許

井泉在東郭門外

張家泉在縣東十五里西流入縣河

以上六泉俱由
瀧河入漕由洗

漕人

古城泉在縣南十五里沙莊村出土中西南流十

里入漕由洗入漕

寧陽縣志

卷之一

方域

泉源

龍魚溝泉在縣東北六十里西北流十二里入汶

龍港溝泉在縣東北五十里源頭一派澄泓萬孔沸

湧噴起浪花砂礫宛若珠璣雖具西北流七

里入汶接運大有所賴

魯姑泉在縣西北三十里穉山之陽出土中西南流

二十五里會樂瀆山泉

樂瀆山泉在縣西北四十里羅山村出土中西南流

會汶上縣龍鬪泉由蒲灣泊入汶

柳泉在縣西十里舊南流十五里入洗為積沙所

嘉靖六年工部主事吳鵬導之東流八里

合蛇眼等泉至濟寧天井閘入運後又依南
河
沈康熙三年工部王封改東流經城會諸泉入

金馬莊泉在縣東南十二里劉家村出土中

新電泉在縣東二十五里

羅星泉在縣東北三十五里 以上四泉并枯

溝附

黃家道溝在告山側

桃花溝在陪山北

黃澗溝在雲山東北西有古路溝出黃土可染衣

寧陽縣志

卷之一

方域

泉源

二

論曰泉源之設運道所資寧陽雖有諸泉而雨則
湍流旱則枯竭歲煩挑澹夫苦邑累矣是所望明
軫恤君子

星野

清類天文志奎婁在戌自奎二度至胃三度屬魯

兖州寧陽隸今兖州府於春秋為魯域

史記天官

書奎婁胃徐州寧陽於禹貢為徐域

晉志自奎五

度至胃六度為降婁於辰在戌魯之分野屬徐州亦

言古徐州也

唐志奎婁降婁也初奎二度餘千二

百一十七秒十七少中婁一度終胃三度自蛇邱肥

城南屆鉅野東達梁父循岱嶽衆山之陽以負東海

又濱泗水經方輿沛留彭城東至於呂梁乃東南抵

淮並淮水而東盡徐彞之地得漢東平國瑯邪東海

寧陽縣志

卷之一

方域

星野

一

泗水城陽古魯薛邾莒小邾徐鄒鄆邳亦任宿句

顓臾牟遂錡彞介根牟及大庭氏之國奎為大澤在

陬訾下流當鉅野之東陽至於淮泗婁胃之墟東北

負山蓋中國膏腴地百穀之所阜也胃得馬牧之氣

與冀之北土同占今考寧陽為古蛇邱梁父遂錡等

域

論曰周禮保章氏掌天星之變以觀妖祥是廢物

之所以繫命也豈不重哉顧寧陽星野不見於州

郡纏次茲第錄諸史可述者於篇而畧標其舊境

俟善觀風者訂焉

古蹟

成城在縣東北九十里春秋時為魯北鄙東北

界齊境**春秋**齊侯伐我北鄙圍成是也又為孟氏

私邑**左傳**將墮成公歛處父謂成孟氏之保障是

也**戰國**時齊田和伐魯取成**漢**改鉅平縣**二**初省

入泰安州**今**附本縣為太古社案邾有二一為成

邑一為邾國邑即本縣之故成城也**春秋**桓六年

公會齊侯于邾左公俱**襄**十五年十六年齊侯伐

我北鄙圍成**昭**二十六年定十二年公圍成**左傳**

仲由為季氏宰將墮成**檀弓**成人有其兄死而不

寧陽縣志

卷之一

方域

古蹟

一

為衰聞子羔將為成宰遂為衰**列子**孔子游于秦

山見榮啟期行于成之野成城緊是其地也邾國

在今汶上縣西北二十餘里**春秋**隱五年衛師入

邾十年齊人鄭人入邾桓三年齊會杞侯于邾**莊**

八年師及齊師圍邾是其地也**郡志**邾成不分而

云邾後歸魯為邑又於寧陽古蹟成城引證齊師

圍邾失其實矣

故剛縣城在縣東北三十五里逼近汶水即今堽城

也**水經注**汶水過剛縣北**括地志**故剛城在堽

縣界**一統志**剛即魯之闔邑漢置縣然通志

秋謂之剛父戰國策周赧王四十六年秦使
竈伐齊取剛以廣陶邑則剛之名由來舊矣不
謂漢創置之也至今顏垣高數丈禁城內教樓釣
臺故址宛然漢跡似亦不如是土人傳為梁武帝
築或又謂梁王朱全忠也案全忠立國於汴此豈
其擊堯時所重築耶不可考矣至古為剛為岡明
史間作岡乃傳寫之誤今復以堙為定名牢不可
破矣

故闡城寧陽本魯闡邑地春秋哀八年齊取闡是也

漢志剛縣故闡城杜預曰縣北有闡鄉

寧陽縣志

卷之一

方域 古蹟

二

故下謹城魯地春秋桓三年齊侯送姜氏于謹是也

寧陽於漢屬蛇邱杜預曰蛇邱縣西有下謹亭今

肥城西南有故城

故鑄國城周武王封堯後於鑄左傳臧宣叔娶于鑄

是也郡國志蛇邱有鑄鄉城今肥城縣有鑄鄉即

漢蛇邱縣治也又平陰志亦有鑄鄉城

故遂國城遂舜之後春秋莊十三年齊人滅遂杜預

曰遂國在濟北蛇邱縣東北地理志蛇邱遂鄉故

遂國今縣西花三十里有遂鄉與肥城縣接界

故寧陽城後漢書章懷太子注在龔邱縣南

故蛇邱城寧陽於漢為蛇邱卽鑄鄉故城在今府肥城縣南舊志云在境內似誤

蛇淵囿春秋定十三年築蛇淵囿水經注蛇水又西逕鑄城西左傳所謂蛇淵囿也京相璠曰濟北有蛇邱城城下有水魯囿也今地屬肥城縣

棘春秋成三年叔孫僑如帥師圍棘杜注棘汶陽田之邑在濟北蛇邱縣劉昭曰蛇邱縣有棘鄉季氏私考曰今當為肥城縣地

故梁父城舊志云在城東北九十里其遺址周圍約五六里相傳為梁父城今謂之故城案梁父郡志

寧陽縣志

卷之一

方域 古蹟

三

亦列於寧陽而通志則繫之泗水未詳孰是今考本縣故城村有三皆在城址內外相其地似古城城基豈漢之梁父卽城城所改置耶又泰安西南有梁父社

故菟裘城左傳隱十一年公語公子翬使營菟裘吾將老焉杜注菟裘在泰山梁父縣南通志菟裘在泰安州境今泰安東七十里萊蕪界有菟子口云卽古菟裘

故鉅平城在成城南城東有魯道詩所謂魯道有蕩也汶水經其東水上有文姜臺案通志城在今

北九十里其遺址周圍約五六里漢縣今俗謂之
故城文與邑志梁父城同恐必有一誤也又杜
曰成在鉅平縣東南

故陽關城左傳襄十七年師自陽關逆滅孫杜注陽
關在泰山鉅平縣東今寧陽東北有陽關故城案
郡國志鉅平有陽關亭地形志鉅平有陽關城而
通志列之曲阜未知孰是

故汶陽城舊志郡志俱云在鉅平西南水經注曰縣
北有曲水池亭春秋桓十二年公會杞侯莒子盟
于曲池是也漢章帝東巡泰山立行宮於汶陽世

寧陽縣志

卷之一

方域 古跡

四

謂之闕陵城案春秋定十年齊人來歸鄆謹龜陰
田杜注三邑皆汶陽田是汶陽未有專邑也至高
后元年始置汶陽縣屬魯國此故城意漢遺跡與
又案魏地形志鉅平有鉅平城汶陽有汶陽城是
鉅平汶陽自漢以後遞有遷築此故城之為漢為
晉魏皆不可知至唐高適所咏日出見闕里山平
知汶陽以隋改曲阜為汶陽非此地矣

故盛鄉城卽古邾國城春秋邾公羊俱作盛水經注
洸水西南流經盛鄉城西京相璠曰岡縣西南有
盛鄉城案故邾城在今汶上縣西北正在剛之西

南寧之西北但今洗水出剛縣東南流西距百里
國近八十里東距古成邑近百里而云經盛鄉城
西此不可解也古人紀地類援其接壤附近者以
證之其後愈援愈遠愈失其真類如斯矣

故龔邱城路史龔邱東南二十里有故龔邱城隋置
縣宋避宣聖諱改龔縣案通志隋改龔邱以此
縣東南有古龔邱城似龔邱之名不自隋始今縣
南有古龔邱臺

故春城在縣西北三十里汶水之陰卽古春城郡爲
汶水所衝射者今無考

寧陽縣志

卷之一

方域 古蹟

五

古城在縣南十五里遺址隱然舊志云春秋時魯大
夫采邑今考其地在古龔邱臺正南畧東恐卽龔
邱故城

半城在縣東南十里酒莊社爲漢褒魯侯後者又云
土城在縣東北十八里石碣社遺址周圍約二里許
北枕河流相傳亦漢褒魯侯故城

梁王臺在縣東北十里相傳爲梁王黠軍臺又傳禹
治水時以萬筋鐵牛鎮海眼止水患故又名海眼
壩堆或云卽柳子溝上源故道經縣東五里南逝
至於漕俗云開得柳子溝仰面下揚州三說主人

互相傳襲今二臺相距約二里許以東西名焉

東臺在縣南里許相傳周公居東繫易於此故又名

周公臺案周公居東先儒皆謂避居東都惟子貢

詩傳申培詩說言居魯證以寧土傳襲似居魯為

近是矣又案通志東臺即梁王臺誤

釣魚臺在縣東北三十五里堽城內相傳為梁王釣

臺

崦上在縣北十里亦傳為梁王點軍臺今為玄帝廟

臺又龍魚泉北亦有崦上

周倉寨在縣西三十里黃茂村西北地有周倉墓墓

寧陽縣志 卷之一 方域 古蹟 六

北山形如卧牛俗呼為水牛山山西北一帶土岡

連亘數里俱歷傳為周倉寨

魏家寨舊志云在城東五十里其上高峻有石洞可

容數百人元季人多避兵於此今考其地在鳳凰

山上高峻峻絕鳥道而上有平地可容數千人士

人俱稱為寧家寨亦無石洞

范郎石在石碣社俗傳范郎築長城經憇於此亦不

知何許人也

落星石在城東北四十五里兩石南北相距約五里

世傳隕星於此

姑姊退齊兵處在縣東七十里南義社爵山西
魯義姑姊故里在縣東八十里南義集東

兩疎故里在縣西南二十里東東西東二村是也舊
名蜀土人曾掘地得石碣刻漢兩疎故里因易今
名案兩疎蘭陵人也今嶧縣為古蘭陵有二疎城
祠墓在焉寧相距百里或當日曾僑居於此乎

泰伯古祠在縣西二十五里水牛山之陽

周倉故里在縣西三十里黃茂村居人廟祀之

李陽冰真蹟碑在縣治儀門左唐大曆五年為龔令

慶公頌也薛河津有詩贊之曰鸞翔鳳翥形將動

寧陽縣志

卷之一

方域 古蹟

七

龍繞蛇纏勢欲飛為好古者所賞

孝子石碣在縣東十八里石碣集劉漢乾祐三年里

人孟知進同妻李氏因其父母亡捐名報恩立碣

於此故鄉社皆取名焉碣字三而密鑄正面第一

行云大漢國兗州龔邱縣乃歲鄉剛城村孤子孟

知進及妻李氏同意發願云云次叙其父母十恩

下各綴以五言詩雖剝落不可盡識大畧皆質古

悽惻流出肺腑是烏可以泯哉舊志不載孝子姓

名今特訪原碣表之

論曰地以人重豈不信哉寧為小邑汶水經其北

界大禹之神功在焉鐵牛鎮海非誣爾其他古蹟
如周公臺如義姑里如孝子碣亦莫不流傳嘖嘖
千古一日嗚呼覽其跡想見其人必有興起於千
載之下者矣

陵墓

漢周倉墓在縣西三十里黃茂村西北倉本邑之黃茂村人隨漢壽亭侯殉節麥城此有墓其葬衣冠處也地名五龍口四面高崖峻絕墓居最下其地山形如卧牛山西北一帶土岡纍纍連亘數里俱歷傳爲周倉寨耆民曰墓甚靈異雖巨漲懷襄墓不能沒每日夕陰晦時有騎壽隱現則將軍之靈爽式憑蓋不虛矣

晉劉伶墓在縣北四十里相傳劉伶荷鍤醉死埋此又嶧縣亦有墓前人詩云一代高風海水邊伯倫

寧陽縣志

卷之一

方域

陵墓

一

遺塚尚依然千秋誰爲澆墳土悔不當時葬酒泉恐此誤

南宋太子中舍韓鐸墓在縣東三里稍西南爲鐸子純墓碑碣殘毀華表僅存居民近墓取土幾致崩壞邑人周仔世過見置護墳地三分修築如故

宋宣和間贈朝散大夫王筠墓在城內西南隅碑什尚存

元九女墓舊志云和成妻孫氏女九人立石在雲山前今閱墓碑篆文剝蝕不可盡識約乃一家五女無男一女在家招夫從養老之議而土人悉呼爲

九女墓未詳何故

明文淵閣大學士許彬墓在縣東二里杏岡成化中勅造

順天府府尹王賢墓在縣北十八里戴村成化中勅造

府同知王正容墓在戴村

潼關兵備道吳孟祺墓在縣西五里東河村

陝西叅議張彝訓墓在縣東二十五里澗西

陝西副史張登雲墓在縣東二十五里葛石山

刑部尚書吳崇禮墓在縣北二十里雪埠前天啟

寧陽縣志

卷之一

方域

陵墓

二

年勅建

夏津縣教諭朱永膺墓在日淵泉西北

國朝翰林院編修周爰訪墓在城西南隅半里許

江南廬州府六安州同知朱克配墓在縣北三十

里雪埠東

陝西布政使司右布政使甯之鳳墓在縣東四十

里葛石社

江南江寧府江寧同知陳朱垣墓在縣西五里新

柳泉北

論曰登墟塚而生哀情有不能已也况忠義英靈

如周將軍者乎生於斯墓於斯廟祀不絕也宜哉
補而志之非供憑弔用申封築

風俗

風土總論

郡志曰寧陽縣古之蛇邱堯之北郊也其城北多山接岱宗之麓汶水經之明時工部分司當以秋冬移駐其邑後復改署河上邑境狹隘不通商賈而土頗膏沃其俗敦厚馴雅易於興善明成化以前士尚氣節以禮義相高後稍衰薄焉然地僻而政簡吏治稱易矣

士習

寧邑密邇聖居遺教未泯士敦禮讓勤詩書誦讀之寧陽縣志 卷之一 方域 風俗 一
餘多治農事非公不履縣庭衣冠咸尚樸質卽登科第儉素如故崇尚齒德不敢以賢智先長者恥與胥役偶公論咸出學校遵師長約束

民風

民多椎魯質樸力田者十九皆仰藉天時婦女勞于饁餉少紡織貿易不出鄉土工技不作淫巧急賦稅供徭役從無逋欠禮儀不尚虛文拱揖尚左飲食多粗糲燕會稱家豐儉屋宇多茅茨衣裳惟絹布閭里中有一善可稱者則公舉於官以示旌獎然自前辛巳流離之後人惟力耒耜而棄詩書生

聚教訓是所望于父母斯民者

歲時節令

元旦種火三更結束祀神祀先裸酒薦牲焚香蒸紙
畢拜賀尊長共食餛飩 炮聲達旦 凌晨賀
親族互相酬賀

立春先一日迎苾神於東郊觀土牛 茹春餅 釘
春盤

上元掛燈 餽元宵 食長春麵 放花炮 逆女
歸寧 次日夜走消百病

二月二日填倉 炒鹽豆 食煎餅 吃臘肉
寧陽縣志 卷之一 方域 風俗 二

春分分花
寒食上墳 墓在三年內者

清明插柳 上墳掃墓掛紙 薦韭 放紙鳶 架
鞦韆 踏青

穀雨禁蠶
四月八日浴佛 釋家以四月八日為釋迦誕日煎香
水浴佛四鄉婦女入城至寶相寺焚

織禱如
端午黎明懸艾飲雄黃酒佩禳瘟避毒符兒童繫五

絲 食角黍 禮受業師 餽節 薦新麥
六月六日晒書 儲水 暴衣 造麩首 製炒麩

七月七日乞巧穿針

中元薦麻穀 登塚祀先

中秋賞月 食瓜 食月餅 餽節

重陽登高 飲茱萸酒 賞菊 禮受業師 餽節

十月一日祭墓添墳 燒寒衣 剪紙為衣 辭場圃

犒農工

長至賀節今禮廢

臘月八日食棗粥

二十三日祀竈薦糖餅 掃屋宇

除夕易桃符門神春聯 修歲事 陳祀儀 行辭

寧陽縣志 卷之一 方域 風俗 三

歲禮 守歲 是日嫁娶無禁忌

冠

禮廢久矣

婚

初通媒訂姻通啟交盃寄庚帖 將婚延女家親族

原媒畢至用陰陽術擇吉 納采 送粧奩 屆期

親迎鼓樂前導沿途貼青龍字鋪白虎 壻至女家

拜見女父母奠雁代以雞女冠髻蒙首噴飯登轎或

草女家送女同壻歸 入門拜天地歸房行合巹禮

女家向女饋食三日 三日女家迎女歸寧并延

送廟見拜翁姑行新婦禮獻針工

喪

將終具紙扎始死焚紙扎掛門紙具米湯孝子披跣
親室隨行赴廟潑湯號哭而返名曰潑湯非禮也聞
有以家人代者終不若近日有奠於靈前為近禮
二日夜大門外陳祭品哭奠燒亾者衣焚門紙名曰
送小盤纏 三日成服受弔具紙扎作佛事詩禮家
闔學議諡為銘旌親友設祭桌候於廟前孝子出鼓
樂前導親友陪行至廟奠畢謝客焚紙扎哭而返名
曰送大盤纏 殯於中堂苦塊而居每七哭奠或作

寧陽縣志

卷之一

方域 風俗

佛事 將葬報親友具紙扎屆期治喪前一日晚行
告期禮如族畢至次日懸門紙開弔作佛事舊日詩
禮家闔學送旌今則濫觴極矣 發引前一日晚辭
靈姻族畢至屆期發引祖道親友各備祭桌沿路祭
奠 至塋題主祀土安葬焚紙扎留靈安於殯室虞
祭畢姻黨始散

祭

家祀歲時忌日焚香爇楮奠設時食上墳展墓春秋
二祀中元間舉而已

物產

穀之屬

麻麥菽粟皆宜惟稻為歉

蔬之屬

菘為上產利亦饒近城西南多種之

瓜之屬

西瓜產於汶南者特佳餘則甜瓜絲瓜京瓜南瓜簞瓜冬瓜等比閭有之

果之屬

泉鄉多棗柿桃杏利半五穀然近日削伐已甚矣生

寧陽縣志

卷之一

方域

物產

不敵耗利可久乎哉

木之屬

槐楊榆柳為夥桑土不乏而樹者絕少女紅得無缺乎

泉之屬

木棉所植不廣蚕絲僅可成絹麻利獨饒蒜足備織索之用而已

花之屬

花無異品樹花丁香迎春草花鳳仙玉簪之種居多

工之屬

伎無淫巧棗梳竹篋可稱良工矣

羽之屬

家禽不論外有黃鸝燕雀布穀鳩鴿等族

毛之屬

牛羊等家所恒畜間有獾狼狐兔亦非專產

鱗之屬

洸河通濟容有滿尺之魚壩塞而後水族乏矣

虫之屬

種多不勝計蜂利少饒

論曰一夫不耕或受之飢一婦不織或受之寒農

寧陽縣志

卷之一

方域

物產

二

粟女布謂非衣食之源哉寧邑土瘠所產並無異
珍雖農夫勤于南畝而閭內從未聞有札札聲者
杼柚得無空耶

市集

右城

四關集 日一左旋堪與家謂宜右旋猶七政之東行也

東鄉

石碣集 東北十八里 香泗集 東南二十里

韋周集 正東十五里 龍經集 今廢

葛石店集 正東三十里新起 南義集 東北七十

東莊集 東北九十里

西鄉

古城集 正南十五里 孫村集 正西十五里

寧陽縣志

卷之一

方域 市集

王家樓集 西南十八里 西束集 西南三十里

黃茂集 西南三十五里 戴伯集 西北十五里

白馬廟集 西北十八里 東王屯集 西十五里

北鄉

新店集 東北二十里 堽城屯集 東北三十里

太平集 東北七十里 蔣家集 東北五十里

案寧陽在城舊五集以城門啟閉禁嚴移於四關而縣前之集廢矣在鄉最大者堽城南義羣川西東顏子廟東莊其餘約十二處明季羣盜蜂起在鄉皆廢

國朝順治四年袁鴻甫定鄉集自白馬廟起始以漸
而復今則市廛密如矣

論曰古者日中爲市市之義遠矣寧邑雖非輻輳
之地然而有無相易財用亦庶乎其裕矣治之者
尚其體便民之意而我無預焉何患不財貨四集
哉

里社

三鄉 領社二十八屯一

西鄉 東鄉 北鄉 城南不足二十里即界滋陽壤地褊小故併於西鄉而缺

其一

西鄉 領社九

坊郭社 臨邑社 泗莊社

青川社 青川屯歸併青川社 西茂社 舊名西黃 東張社

東王社 雲山社 泗高社

東鄉 領社九

香泗社 韋周社 龍堽社

寧陽縣志 卷之一 方城 里社 一

石碣社 葛石社 賢義社

南義社 靈山社 南白社 白乃鄆字

之訛左傳齊人伐我北鄙即其地也今本社有北鄙村

北鄉 領社十屯一

平陸社 伏山社 張徐社

夏戴社 新樂社 舊名辛落 馮魚社

周村社 堽城社 古城社

太平社 原太平故城二社後歸於一 堽城屯

案元末寧里為泰安汶上所侵止存入社明洪武

元年始歸舊境稱三鄉二十九社四屯末季兵火

凋敝不堪言矣

國朝順治五年均編於東河故城二社東王石碣二屯裁革歸併共社二十七屯二今更定如右云
論曰古以木表社而後以社名里里社一定民各分隸以居相恤相助之義其在斯乎生聚教訓以長親睦長民者尤宜加之意矣

